

# Akashvani, Sambalpur

## SAMBALPURI NEWS EVENING BULLETIN

27 July 2024- 7.02 pm- 7.12 pm.

\*\*\*\*\*

- ୧- ନୂଆଦିଲ୍ଲୀ ନ ବସ୍ତା ନୀତି ଆୟୋଗର ବୈଠକ ।  
- ବିକଶିତ ଭାରତର ସପନ୍କେ ସାକାର କରବାର ଲାଗି ଭିନ୍ ଭିନ୍ କାର୍ଯ୍ୟପଦ୍ଧା ବାବଦେ ହେଇଛେ ଆଲୋଚନା ।
- ୨- ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆଏବାକାଏଲ୍ ସଖାଲବେଳା ୧୧ ବଜେ ଆକାଶବାଣୀର ମନ୍ କି ବାଡ୍ କାର୍ଯ୍ୟକ୍ରମ ଜରିଏ ଦେଶବାସୀଙ୍କୁ କରବେ ସମ୍ବୋଧନ ।
- ୩- ଦୁଇଦିନିଆ ଓଡ଼ିଶା ଗସ୍ତ ଆସିକରି ଭୁବନେଶ୍ୱର ନ ପୁସ୍ତୁଚିଛନ୍ କେନ୍ଦ୍ର କୁଇଲା ଆଉ ଖଣି ରାଷ୍ଟ୍ରମନ୍ତ୍ରୀ ସତୀଶ ଚନ୍ଦ୍ର ଦୁବେ ।

ଆଉର

- ୪- ହୀରାକୁଦ୍ ଜଳଭଣ୍ଡାରନୁ ଆଏବା କାଏଲ୍ ମହାନଦୀକେ ଛଡ଼ାଯିବା ଇ ବହରର ପହେଲା ବଡ଼ି ପାଏନ ।

କଟକ୍

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀଙ୍କର ଅଧ୍ୟକ୍ଷତାରେ ରାଷ୍ଟ୍ରପତି ଭବନର ସଂସ୍କୃତି କେନ୍ଦ୍ର ନିଆରଣ ଆରମ୍ଭ ନୀତି ଆୟୋଗର ୯ ନମ୍ବର ପରିଚାଳନା ପରିଷଦ୍ ବୈଠକ୍ ହେଉଯାଇଛି । ଇ ବକ୍ସର ବୈଠକର ବିଷୟବସ୍ତୁ ‘୨୦୪୭ ବିକଶିତ ଭାରତ୍’ ରଖାଯାଇଥିଲା । ଦେଶକେ ଗୁଡେ ବିକାଶଶୀଳ ରାଷ୍ଟ୍ର ଭାବେ ଗଢ଼ବାର ଲାଗି ଭିନ୍ ଭିନ୍ କାର୍ଯ୍ୟପଦ୍ଧା ବାବଦେ ବୈଠକ୍ଥି ବିସ୍ତୃତ ଆଲୋଚନା ହେଉଥିଲା । ବିକଶିତ ଭାରତ୍ ଲକ୍ଷ୍ୟ ହାସଲ୍ ଲାଗି ନିଆଯିବାରକେ ଥିବାର ପଦକ୍ଷେପ୍ ମାନକର ଉପରେ ଭିଲ୍ ଆଲୋଚନା କରାଯାଇଥିଲା । କେନ୍ଦ୍ର ଆଉ ରାଜ୍ୟର ସହଭାଗିତାଥି ପ୍ରଶାସନିକ୍ କାମକେ ଅଧିକ୍ତା ସ୍ଵଳ୍ପ ଆର ସମୟ ଉପଯୋଗୀ କରବାର ଲାଗି ଲକ୍ଷ୍ୟ ରଖା ଯାଇଛି । ବିଶ୍ଵ ଅର୍ଥନୀତିଥି ଭାରତକେ ୩ ନମ୍ବର ଜାଗା ନ ପୁହୁଁଚାବାର ଲାଗି ଘରୋଇ ଉତ୍ପାଦନ ବଢ଼ାବାର ଆଉ ଶିଳ୍ପ ଭିତିଭୂମିର ବିକାଶ ଉପରେ ଭିଲ୍ ବୈଠକ୍ଥି ଆଲୋଚନା ହେଉଥିବାର ଜନାପଡ଼ିଛି । ୨୦୪୭ ମସିହାତକ୍ ମୋର୍ ଘରୋଇ ଉତ୍ପାଦ ୫ ହଜାର ୟୁଏସ୍ ଡଲାରନ୍ତୁ ବଢ଼ିକରି ୩୦ ହଜାର ୟୁଏସ୍ ଡଲାରକେ ପୁହୁଁଚାବାରକେ ଲକ୍ଷ୍ୟ ରଖାଯାଇଛି । ବୈଠକ୍ଥି ଭିନ୍ ଭିନ୍ ରାଜ୍ୟର ମୁଖ୍ୟମନ୍ତ୍ରୀ, କେନ୍ଦ୍ରଶାସିତ୍ ଇଲାକାର ଉପ-ରାଜ୍ୟପାଲ୍, କେନ୍ଦ୍ର ମନ୍ତ୍ରୀପରିଷଦ୍

ସଭ୍ୟ, ସ୍ୱତନ୍ତ୍ର ନିମନ୍ତ୍ରିତ ଅତିଥି, ନୀତିଆୟୋଗର ଉପାଧ୍ୟକ୍ଷ  
ସୁମନ୍ ବେରୀ ଆର୍ ଆୟୋଗର ସଦସ୍ୟମାନେ ଉପସ୍ଥିତ  
ଥିଲେ ।

ମନ୍ କି ବାତ୍ ଆରବନ୍ୟୁ/ କଟକ୍

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସବା କାଏଲ୍ ଦିନର୍ ୧୧  
ବଜେ ଆକାଶବାଣୀର୍ ମନ୍ କି ବାତ୍ କାର୍ଯ୍ୟକ୍ରମ୍ ଜରିଏ  
ଦେଶ୍‌ବାସୀଙ୍କୁ ସମ୍ବୋଧନ୍ କର୍ବେ । ଇଟା ତାଙ୍କର୍ ଶହେ ୧୨  
ନମ୍ବର୍ ମନ୍ କି ବାତ୍ କାର୍ଯ୍ୟକ୍ରମ୍ ହେବା ।

ଇ କାର୍ଯ୍ୟକ୍ରମ୍ ଆକାଶବାଣୀ ଆଉ ଦୂରଦର୍ଶନ୍ ଜରିଏ ଆର୍  
ଏଆଇଆର୍ ନ୍ୟୁଜ୍ ଡେସ୍କ୍‌ସାଇଟ୍ ‘ନ୍ୟୁଜ୍ ଅନ୍ ଏଆଇଆର୍’  
ମୋବାଇଲ୍ ଆପ୍‌ଥ୍ ପ୍ରସାରଣ୍ କରାଯିବା । ଏଆଇଆର୍  
ନ୍ୟୁଜ୍, ଡିଡି ନ୍ୟୁଜ୍ ଆର୍ ପିଏମ୍ୱ ଅଫିସ୍‌ର ଯୁ-ଟ୍ୟୁବ୍  
ଚେନାଲ୍‌ଥ୍ ଭିଲ୍ ଶୁନାଯାଇପାରବା । ପ୍ରଧାନମନ୍ତ୍ରୀଙ୍କର୍  
ହିନ୍ଦୀ ଅଭିଭାଷଣ୍ ଉର୍‌ରୁ ଆଂଚଳିକ୍ ଭାଷାଥ୍ ଇତାର୍  
ପ୍ରସାରଣ୍ କରାଯିବା ।

ଓଡ଼ିଶା ଗସ୍ତ୍ କେନ୍ଦ୍ରମନ୍ତ୍ରୀ ଆରବନ୍ୟୁ/ କଟକ୍

କେନ୍ଦ୍ର କୁଇଲା ଆଉ ଖଣିମନ୍ତ୍ରୀ ସତୀଶ୍ ଚନ୍ଦ୍ର ଦୁବେ ୨ ଦିନିଆ  
ଓଡ଼ିଶା ଗସ୍ତ ଆସିକରି ଆଏଇ ଭୁବନେଶ୍ୱର ନ  
ପୁହୁଁଚିଛନ୍ । ଇ ଗସ୍ତ ଅବସରେ ଶ୍ରୀ ଦୁବେ ଭୁବନେଶ୍ୱର,  
ସମ୍ବଲପୁର ଆର୍ ଅନୁଗୁଲ୍ ନ ଭିନ୍ ଭିନ୍ କାର୍ଯ୍ୟକ୍ରମ୍  
ଯୋଗ୍ ଦେବେ । ସେ କହିଛନ୍ ଯେ, ଖଣି ରୟାଲ୍ଟି  
ଉପରେ ନୀତି ଆୟୋଗ୍ ବୈଠକ୍ ନିଷ୍ପତି ନିଆଯିବା ।  
ବିଦେଶ୍ ନୁ ଆମ୍ଦାନୀ ହେଉଥିବା ଖଣିଜ ପଦାର୍ଥ ଉପରେ  
ସର୍ଭେ ଚାଲିଛି ବଲି ସେ କହିଛନ୍ । କେନ୍ଦ୍ର ରାଜ୍ୟକେ  
ଅବହେଳା ନାହିଁ କରାଯାଏ ଆଉ ଫି ରାଜ୍ୟ ତାଙ୍କର୍  
ଅଧିକାର୍ ଅନ୍ତସାରେ ସବୁ ପ୍ରାପ୍ୟ ପାଏବେ ବଲି ମନ୍ତ୍ରୀ ଶ୍ରୀ  
ଦୁବେ କହିଛନ୍ ।

ଓଡ଼ିଶା ମୁଖ୍ୟମନ୍ତ୍ରୀ-ପଶ୍ଚିମବଙ୍ଗ ମୁଖ୍ୟମନ୍ତ୍ରୀ

ଆର୍ଏନ୍ୟୁ/ ସମ୍ବଲପୁର

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ନୂଆଦିଲ୍ଲୀ ଠାନ୍ ପଶ୍ଚିମବଙ୍ଗ୍  
ମୁଖ୍ୟମନ୍ତ୍ରୀ ମମତା ବାନାର୍ଜୀଙ୍କୁ ଭେଟିକରି ଆଲୁ ଯୋଗାଣ  
ସମସ୍ୟାର୍ ସମାଧାନ୍ ଲାଗି ଆଲୋଚନା କରିଛନ୍ ।  
ଆଲୋଚନା ସମିଆଥି ମୁଖ୍ୟମନ୍ତ୍ରୀ ଶ୍ରୀ ମାଝୀ କହିଛନ୍ ଯେ,  
ପଶ୍ଚିମବଙ୍ଗ୍ ନୁ ଆଲୁ ଯୋଗାଣଥି ବାଧା ହେଉଥିବାର୍ ନୁ  
ଓଡ଼ିଶା ନ ଦାମ୍ ବହୁଛି । ଇଥିର୍ଲାଗି ଓଡ଼ିଶାର୍ ଲୁକେ  
ଅସୁବିଧାର୍ ସାମ୍ନା କରୁଛନ୍ । ଇ ସମସ୍ୟାର୍ ସମାଧାନ୍

ଲାଗି ମୁଖ୍ୟମନ୍ତ୍ରୀ ଶ୍ରୀ ମାଝୀ -ମମତା ବାନାର୍ଜୀଙ୍କୁ  
ଅନୁରୋଧ କରିଛନ୍ ।

ମୁଖ୍ୟମନ୍ତ୍ରୀ ଜନଶୁଣାଣି ବନ୍ଦ ଆରବନ୍ଧୁ/ ସମ୍ବଲପୁର

ବିଧାନସଭାର ଅଧିବେଶନ ଚାଲୁଥିବାରନୁ ଆଏବା ସୋମ୍ବାର  
ଦିନ ମୁଖ୍ୟମନ୍ତ୍ରୀଙ୍କର ଅଭିଯୋଗ ପ୍ରକୋଷ୍ଟ ନ ଜନଶୁଣାଣି  
ବନ୍ଦ ରହେବା । ଇ ବାବଦେ ସାଧାରଣ ପ୍ରଶାସନ ଆର  
ସାଧାରଣ ଅଭିଯୋଗ ବିଭାଗ ତରଫୁ ଲୁକ୍କର ଜାନ୍ବାର  
ଲାଗି ସୁଚନା ଦିଆଯାଇଛି ।

ବଦ୍ଲି ନିଷ୍ପତି ଆରବନ୍ଧୁ/ କଟକ

ରାଜ୍ୟ ଗୃହ ବିଭାଗ କମିଟି ଡିଏସ୍ପି, ଆସିଷ୍ଟାଣ୍ଟ କମାଣ୍ଡାଣ୍ଟ,  
ଏ.ଏସ୍.ପି. ଆର ଡେପୁଟି କମାଣ୍ଡାଣ୍ଟଙ୍କର ବଦ୍ଲି ଲାଗି  
ନିଷ୍ପତି ନେବା । ଇ ବାବଦେ ଗୃହ ବିଭାଗ ତରଫୁ ଗୁଟେ  
ବିଜ୍ଞପ୍ତି ବାହାରିଛି । ସୁପ୍ରିମକୋର୍ଟଙ୍କର ନିର୍ଦ୍ଦେଶ ଅନୁସାରେ  
ପୁଲିସ୍ ଏଣ୍ଟାକ୍ସମେଣ୍ଟ ଡିଏସ୍ପି ତଲର ପୁଲିସ୍  
ଅଧିକାରୀମାନଙ୍କର ବଦ୍ଲି ନିଷ୍ପତି ଡିଜିପି ନେଇପାରବେ ।  
ଡିଏସ୍ପି ନୁ ଡିଜିପିତକ ବଦ୍ଲି ଗୃହ ବିଭାଗ କର୍ଷି ।  
ହେଲେ ସରକାର ଗୃହବିଭାଗ ଉପରେ ଅଧିକା

କାର୍ଯ୍ୟଭାର ପଡୁଥିବା ଦର୍ଶେଇକରି ୨୦୦୨ ମସିହା ଲ  
ନିଷ୍ପତ୍ତିକେ ବଦଳେଇଥିଲେ ।

କାଳୀମ ଶ୍ରୀକବୀର୍ଷିକୀ ଆରବନ୍ଧୁ/କଟକ/ବୌଦ୍ଧ  
ସମ୍ବାଦଦାତା

ଆଘର ରାଷ୍ଟ୍ରପତି ଆଉ ପ୍ରଖ୍ୟାତ ବୈଜ୍ଞାନିକ ଭାରତ ରତ୍ନ  
ଡକ୍ଟର ଏପିଜେ ଅବଦୁଲ୍ କଲୀମଙ୍କର ଆଏଜ୍ ୯ ନମ୍ବର  
ଶ୍ରୀକବୀର୍ଷିକୀ । ଇ ଅବସରେ ସାରା ଦେଶ ତାଙ୍କୁ ଶ୍ରଦ୍ଧାଞ୍ଜଳି  
ଜନେଇଛେ । ଭାରତର ମହାକାଶ ଆଉ କ୍ଷେପଣାସ୍ତ୍ର ବିକାଶ  
କ୍ଷେତ୍ର ଡକ୍ଟର କଲୀମ୍ ଗୁରୁତ୍ୱପୂର୍ଣ୍ଣ ଭୂମିକା ନେଇଥିଲେ । ଡକ୍ଟର  
କଲୀମ୍‌ଙ୍କୁ ଭାରତର ମିଶାଇଲ୍ ମେନ୍ - କ୍ଷେପଣାସ୍ତ୍ର ଜନକ ବଲି  
ଭିଲ୍ କୁହାଯାଏ । ୨୦୧୫ ମସିହା ଆଝିର ଦିନେ ସେ  
ମୃତ୍ୟୁବରଣ କରିଥିଲେ । ରାଜ୍ୟପାଲ୍ ରଘୁବର ଦାସ ଡକ୍ଟର  
କଲୀମ୍‌ଙ୍କର ସ୍ମୃତି ଉଦ୍ଦେଶ୍ୟ ଶ୍ରଦ୍ଧାଞ୍ଜଳି ଅର୍ପଣ କରିଛନ୍ ।  
ସାମାଜିକ୍ ଗଣମାଧ୍ୟମ୍ ପୋଷ୍ଟ୍ କରିକରି ଶ୍ରୀ ଦାସ କହିଛନ୍  
ଯେ, ଡକ୍ଟର କଲୀମ୍ ଯୁବ ବର୍ଗଙ୍କର ପ୍ରେରଣାର ଉତ୍ସ ଥିଲେ ।  
ଦେଶ ଆଉ ମହାକାଶ ବିଜ୍ଞାନ କ୍ଷେତ୍ର ତାଙ୍କର ଅବଦାନ  
ସବୁଦିନ୍ ଲାଗି ମନେ ରହେବା ବଲି ସେ କହିଛନ୍ ।

ବୌଦ୍ଧ ଜିଲ୍ଲା ବିଜେପି ଅନ୍ଧ୍ର ସଂଖ୍ୟକ ମୋର୍ଚ୍ଚା ତରଫୁ ଆଘର  
ରାଷ୍ଟ୍ରପତି ସ୍ମରଣ୍ ଡକ୍ଟର ଏ.ପି.ଜେ ଅବଦୁଲ୍ କଲୀମ୍‌ଙ୍କର

ଶ୍ରୀଜବାସିକୀ ପାଲିତ୍ ହେଇଯାଇଛେ । ଜିଲ୍ଲା ବିଜେପି କାର୍ଯ୍ୟାଳୟ ନ ସ୍ୱର୍ଗତ କାଳାମଙ୍କର ଫଟୋଚିତ୍ର ଥି ପୁଷ୍ପମାଲ୍ୟ ଅର୍ପଣ ସହେତେ ଦୀପ୍ ପ୍ରଜ୍ଵଳନ୍ କରାଯାଇଥିଲା । ଇ ଅବସରେ ହେଇଥବା ଗୁଟେ ସଭା ଥି ଦଳୀୟ କର୍ମକର୍ତ୍ତାମାନେ ସ୍ୱର୍ଗତ କାଳାମଙ୍କର ବହୁମୁଖୀ ପ୍ରତିଭା ବାବ୍ଦେ ଆଲୋଚନା କରିକରି ଶ୍ରଦ୍ଧାଞ୍ଜଳି ଦେଇଥିଲେ ।

ଶିକ୍ଷା ସପ୍ତାହ ସୁଚନା ଲୋକସମ୍ପର୍କ ବିଭାଗ

ଶିକ୍ଷା ନୀତି-୨୦୨୦ ର ୪ ବକ୍ଷର ପୁରବାର ଅବସରେ ସାରା ଦେଶେ ପାଲନ୍ କରାଯାଉଥିବା ଶିକ୍ଷା ସପ୍ତାହ କାର୍ଯ୍ୟକ୍ରମର ଆଏକ୍ ୬ ନମ୍ବର ଦିନେ ପରିବେଶ୍ ସଚେତନତା ଆଉ ସୁରକ୍ଷାକେ ଜୋର୍ ଦେଇକରି ବିଦ୍ୟାଳୟସ୍ତର ନ ଇକୋ କ୍ଲବ୍ ଆଉ ସ୍କୁଲ୍ ପୋଷଣ୍ ଦିବସ୍ ପାଲନ୍ କରାଯାଇଛେ । ଇ ଅବସରେ ରାଜ୍ୟର ସବୁ ସରକାରୀ ଆଉ ସରକାରୀ ଅନୁଦାନ ପାଉଥିବା ବିଦ୍ୟାଳୟ ମାନକେ ଚାରା ଲଗାଯାଇଛେ । ସ୍କୁଲ୍ ପରିସର ଖାଲି ଜାଗା ଆଉ ସ୍ଥାନୀୟ ଅଂଚଳ୍ ଛାତ୍ରଛାତ୍ରୀମାନେ ନିଜର ମା ମାନକର ସାଙ୍ଗେ ମିଶିକରି ଚାରା ଲଗେଇଥିଲେ । ଫି ବିଦ୍ୟାଳୟ ନ କମ୍ ସେକମ୍ ୩୫ ଟା ଚାରା ଜଗାବାର ସହେତେ ଇକୋ କ୍ଲବ୍ ଦାୟିତ୍ୱ ଥିବାର ଶିକ୍ଷକ୍ ଶିକ୍ଷୟିତ୍ରୀମାନକ୍କୁ ଚାରା ମାନକର ଯତନ୍ ନେବାର ଲାଗି ଦାୟିତ୍ୱ ଦିଆଯାଇଛେ । ଇ

ଶିକ୍ଷା ହସ୍ତା କାର୍ଯ୍ୟକ୍ରମକେ ବ୍ୟାପକ୍ କରବାର୍ ଲାଗି ରାଜ୍ୟର୍ ବିଦ୍ୟାଳୟମାନକେ ଆଉ ୬ ଶହ ୨୫ ଟା ଇକୋ କ୍ଲବ୍ ଥାପନା କରବାର୍ ଲକ୍ଷ୍ୟ ରଖାଯାଇଛେ । ଫି ଇକୋ କ୍ଲବ୍ ଥୁ ୪ ନୁ ୫ ଝନ୍ ବିଦ୍ୟାର୍ଥୀ ରହେବେ ଆର୍ ସେମାନକର୍ ଭିତ୍ରୁ ଝନେ ଇକୋ କ୍ଲବ୍ ଅଧକ୍ଷ ରହେବେ । ଜଲ୍ବାୟୁ ପରିବର୍ତ୍ତନ୍, ପ୍ରଦୂଷଣ ଆର୍ ପ୍ରାକୃତିକ ସମ୍ବଳ କମ୍ବାରକେ ନେଇକରି ଛାତ୍ରଛାତ୍ରୀଙ୍କୁ ସଚେତନ୍ କରବାର୍ ଲାଗି ଇ ଦିବସ୍ ପାଳନ୍ କରାଯାଉଛେ ।

ତ୍ରିରଙ୍ଗା ଯାତ୍ରା ସମ୍ବଲପୁର/ ବୌଦ୍ଧ ସମାଦଦାତା

ସମ୍ବଲପୁର୍ ଜିଲ୍ଲା ବିଜେପି ତରଫୁ ଦେଶ୍ ଲାଗି ବଳିଦାନ୍ ଦେଇଥିବା ଶହୀଦ୍ ଜବାନ୍ ମାନକ୍କୁ ଶ୍ରଦ୍ଧାଞ୍ଜଳି ଦେବାରକେ ସ୍ବତନ୍ତ୍ର ତ୍ରିରଙ୍ଗା ଯାତ୍ରା କାର୍ଯ୍ୟକ୍ରମ୍ ହେଇଯାଇଛେ । ଇ କାର୍ଯ୍ୟକ୍ରମ୍ ଥୁ ବିକାଶ୍ ପାଉଣ୍ଡେସନ୍ ଅଧକ୍ଷା ମୃଦୁଲା ଠାକୁର୍ ପ୍ରଧାନ୍ ଗୋଲ୍ବଜାର୍ ଛକେ ଥୁବା ସ୍ବାଧୀନତା ସଂଗ୍ରାମୀଙ୍କର୍ ପ୍ରତିମୂର୍ତ୍ତି ଥୁ ମାଲ୍ୟାପର୍ଶ୍ ଚରିକରି ତ୍ରିରଙ୍ଗା ଯାତ୍ରାର୍ ଶୁଭାରମ୍ଭ କରିଥିଲେ । ଇ ତ୍ରିରଙ୍ଗା ଶୋଭାଯାତ୍ରା ଥୁ ବହୁତ୍ତେ ବିଜେପି କର୍ମୀ ଯୋଗ୍ ଦେଇକରି ଗୋଲ୍ବଜାର୍, ଲକ୍ଷ୍ମୀଚକିଜ୍ ଛକ୍, ଭୂତାପଡ଼ା ଛକ୍ ଦେଇକରି ଜେଲ୍ଛକ୍ତକ୍ ଶୋଭାଯାତ୍ରା ଯାଇଥିଲେ ।



ସେଆଡ଼େ ବୌଦ୍ଧ ଜିଲ୍ଲା ନ ବିଜେପି ଯୁବ ମୋର୍ଚ୍ଚା ତରଫୁ  
କଂଗାମାଲ୍ ଠାମେ ତ୍ରିରଙ୍ଗା ଶୋଭାଯାତ୍ରା ହେଇଯାଇଛେ ।  
ଜିଲ୍ଲା ଯୁବମୋର୍ଚ୍ଚା ସଭାପତି ଅଟଲ୍ ପ୍ରଧାନଙ୍କର୍ ନେତୃତ୍ୱ  
ମଣାଲ୍ ସହେତେ ତ୍ରିରଙ୍ଗା ଶୋଭାଯାତ୍ରା ଗିରି ଗୋବର୍ଦ୍ଧନ୍  
ମନ୍ଦିରଠାନ୍ ବାହାରିକରି କଲୋରାକୋଠାତକ୍ ଯାଇଥିଲା ।

ସମ୍ବଲପୁର- ସଫେଇ ଅଭିଯାନ                      ସମ୍ବଲପୁର ସମାବଦାତା

ସମ୍ବଲପୁର ନ ‘ସଫାଇ ଅପନାଓ- ବିମାରୀ ଭଗାଓ’ ଅଭିଯାନ  
ହେଇଯାଇଛେ । ମହାନଗର ନିଗମ୍ ତରଫୁ ଝାଡୁଆପଡ଼ା,  
ନନ୍ଦପଡ଼ା ଆର୍ ମୁ୍ୟନିସିପାଲ୍ଟି ଛକ୍ ନ ହେଇଥିବା ଇ  
କାର୍ଯ୍ୟକ୍ରମ୍ ମୃଦୁଲା ଠାକୁର୍ ଯୋଗ୍ ଦେଇକରି ଭିନ୍ ଭିନ୍  
ପଡ଼ା ବୁଲିଛନ୍ । ଇ ଅବ୍ସରେ ସମ୍ବଲପୁର ସହର କେନ୍ଦ୍ରା  
ସଫା ରହେବା ସେ ବାବ୍ଦେ ଲୋକମାନଙ୍କର୍ ସାଙ୍ଗେ  
ଆଲୋଚନା କରିଛନ୍ । କାର୍ଯ୍ୟକ୍ରମ୍ ସମ୍ବଲପୁର ଜିଲ୍ଲାପାଲ୍  
ଅକ୍ଷୟ ସୁନୀଲ୍ ଅଗ୍ରଓଲ୍, ସମ୍ବଲପୁର ମହାନଗର ନିଗମ୍  
କମିଶନର୍ ଉପସ୍ଥିତ୍ ଥିଲେ ।

ଓଡ଼ିଆ ଭାଷା ସମ୍ମିଳନୀ                      ଆର୍ଏନ୍‌ସି/ କଟକ୍

ଓଡ଼ିଆ ଭାଷା ପ୍ରତିଷ୍ଠାନ ଆର ଧରଣୀଧର ବିଶ୍ୱବିଦ୍ୟାଳୟ  
ସ୍ନାତକୋତର ଓଡ଼ିଆ ବିଭାଗ ତରଫୁ ଗୁଚେ ରାଜ୍ୟସ୍ତରୀୟ  
ଓଡ଼ିଆ ଭାଷା ସମ୍ମିଳନୀ ବିଶ୍ୱବିଦ୍ୟାଳୟ ପରିସର ନ  
ହେଇଯାଇଛି । କୁଳପତି ପ୍ରଫେସର ପ୍ରତାପ କୁମାର  
ମହାନ୍ତିଙ୍କର ସଭାପତିତ୍ୱ ହେଇଥିବା ଇ କାର୍ଯ୍ୟକ୍ରମ  
ଓଡ଼ିଆ ଭାଷା ପ୍ରତିଷ୍ଠାନର ଲକ୍ଷ୍ୟ ଆଉ କାମ ବାବଦେ  
ଆଲୋଚନା ହେଇଛି ।

ଅନୁଗୁଲ-ପୁରୀ ଟ୍ରେନ୍ସ ନିଆଁ ଆରବନ୍ଧୁ/ କଟକ

ଅନୁଗୁଲ - ପୁରୀ ଫାଷ୍ଟ ପେସେଞ୍ଜର ଟ୍ରେନ୍ର ଗୁଚେ ବଗିଥି ନିଆଁ  
ଲାଗି ଯାଇଥିଲା । ମାଳତୀପାଟପୁର ନ ବ୍ରେକ୍ ଘସି  
ହେଇକରି ଇ ନିଆଁ ଲାଗିଥିବା ପ୍ରାଥମିକ ତଦନ୍ତ  
ଜନାପଡ଼ିଛି । ହେଲେ ଟ୍ରେନ୍ସ ଯାଉଥିବା କେନ୍ସି  
ଯାତ୍ରୀଙ୍କର କ୍ଷୟକ୍ଷତି ନାହିଁ ହେଇ ବଲି ରେଲ୍ ବିଭାଗ ତରଫୁ  
କୁହାଯାଇଛି ।

ପାଣିପାଗ ଆରବନ୍ଧୁ/ ସମ୍ବଲପୁର

ଉତର ବଙ୍ଗୋପସାଗର ଆର ଇତାର ଆଖରପାଖର  
ଇଲାକା ନ ଗୁଚେ ଲଘୁଚାପ କ୍ଷେତ୍ର ସୃଷ୍ଟି ହେଇଛି ।

ଇତାରପ୍ରଭାବ୍ଧୁ ରାଜ୍ୟର ଭିନ୍ ଭିନ୍ ଜାଗା ନ ଜବର ବର୍ଷା ହେଇପାରେ ବଳି ଭୁବନେଶ୍ୱର ଆଂଚଳିକ ପାଣିପାଗ ବିଜ୍ଞାନ କେନ୍ଦ୍ର ତରଫୁ କୁହାଯାଇଛେ । ସେଥାଡ଼େ ବର୍ଷା ଲାଗି ସମ୍ଭାବ୍ୟ ବନ୍ୟାକେ ନଜରଥୁ ରଖିକରି ସ୍ୱତନ୍ତ୍ର ରିଲିଫ୍ କମିଶନରଙ୍କର କାର୍ଯ୍ୟାଳୟକୁ ୧୩ ଟା ଜିଲ୍ଲାର ଜିଲ୍ଲାପାଳଙ୍କୁ ସତର୍କ ସୂଚନା ଜାରି କରାଯାଇଛେ ।

ସେନ୍ତା ହୀରାକୁଦ୍ ଜଳଭଣ୍ଡାରର ଉପରମୁଡ଼େ ଲଗାତାର ବର୍ଷା ହେବାରନୁ ଜଳଭଣ୍ଡାରର ଜଳସ୍ତର ବଢୁଛେ । ଆଏବାକାଏଲ୍ ସଖାଳର ୯ ବଜେ ଜଳଭଣ୍ଡାରନୁ ପହେଲା ବଢ଼ି ପାଏନ୍ ମହାନଦୀକେ ଛଡ଼ାଯିବା । ସେଥୁରଲାଗି ତେମ୍ କର୍ତ୍ତୃପକ୍ଷ ତଲିଆ ଇଲାକାର ଲୁକ୍କୁ ନଦୀକେ ନାଇଁ ଯିବାର ଲାଗି ସତର୍କ କରେଇ ଦେଇଛନ୍ । ଆଏଜ୍ ବେଲ୍‌ବୁଡ଼େ ୬ ବଜେ ଜଳଭଣ୍ଡାରର ଜଳସ୍ତର ୬ ଶହ ୧୪ ଦଶମିକ ୭/୧ ଫୁଟ୍ ରହିଛେ । ଫିଁ ସେକେଣ୍ଡ୍‌ଥୁ ଜଳଭଣ୍ଡାରକେ ୨ ଲାଖ୍ ୭୩ ହଜାର୍ ଶହେ ୬୯ ଘନଫୁଟ୍ ପାଏନ୍ ଆସୁଛେ ।